



151800, O'zbekiston tumani, Konizar
qishlog'i, A. Navoiy ko'chasi, 18

O'zbekiston district, 151800, Konizar
village,
A. Navoiy street, 18

Tel: (+99873) 539-52-11
i.uzbekiston@sud.uz

e-mail:

**ЎЗБЕКИСТОН РЕСПУБЛИКАСИ НОМИДАН
ҲАЛ ҚИЛУВ ҚАРОРИ**

21.06.2021 й

Бешариқ тумани

4-1503-

2101/448-сонли иш.

Ўзбекистон туманлараро иқтисодий суди, суд раиси М. Мирмаксудовнинг раислигида, Ш.Умаровнинг котиблигида, Савдо саноат Палатаси Фарғона вилоят ҳудудий бошқармаси даъвогар Бешариқ пахта тозалаш заводи АЖ манфаатини кўзлаб, жавобгар Нурли замин таровати фермер хўжалигига нисбатан 7 414 453 сўм асосий қарз ундириш ҳақидаги даъво аризаси юзасидан кўзғатилган иқтисодий ишни, тарафлардан даъвогар вакили Ш.Қодиров (ишончнома асосида), жавобгар вакили Ж. С. Шамсуддинов (ишончнома асосида) иштирокида, Бешариқ пахта тозалаш заводи АЖ биносида ўтказилган очиқ сайёр суд мажлисида кўриб чиқиб, қуйидагиларни

АНИҚЛАДИ:

Даъво аризадан кўринишича, Бешариқ пахта тозалаш заводи АЖ (келгуси ўринларда “даъвогар” деб юритилади) ҳамда Нурли замин таровати фермер хўжалиги (келгуси ўринларда “жавобгар” деб юритилади) ўртасида 2020 йил ҳосилидан давлат эҳтиёжлари учун пахта хом ашёси сотиш шартномаси имзоланган, шартномага кўра, даъвогар уруғлик етказиб бериш, ҳақ тўлаш, жавобгар эса пахта хом ашёсини етказиб бериш мажбуриятини олган, бироқ жавобгар етказиб берилган уруғлик ҳақини тўламаган, натижада Савдо саноат Палатаси Фарғона вилоят ҳудудий бошқармаси даъвогар манфаатини кўзлаб, жавобгарга нисбатан 7 414 453 сўм асосий қарз ундиришни сўраган.

Суд мажлисида даъвогар вакили жавобгар суд кунига қадар асосий қарз суммасини тўлаб қўйганлигини билдириб, бу ҳақидаги маълумотномани тақдим қилиб, даъвони қонуний ҳал этишни сўради.

Жавобгар вакили даъвони қонуний ҳал этишни сўради.

Суд иш бўйича тарафларнинг кўргазмаларини тинглаб, ишдаги мавжуд ҳужжатларни ўрганиб чиқиб, қуйидагиларга кўра, даъвони қаноатлантиришни рад лозим топади:

Ўзбекистон Республикаси Фуқаролик кодекси 8 ва 234-моддаларига кўра, мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади. Мазкур ҳолатда мажбурият контрактация

Ҳужжат имзоланган: Мирмаксудов Миркомил Садиқович, 21.06.2021



шартномасидан келиб чиққан.

Фуқаролик Кодекси 236-моддасига асосан мажбуриятлар мажбурият шартларига ва қонун ҳужжатлари талабларига мувофиқ, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Фуқаролик Кодекси 333-моддасига асосан қарздор айби бўлган тақдирда мажбуриятни бажармаганлиги ёки лозим даражада бажармаганлиги учун, агар қонун ҳужжатларида ёки шартномада бошқача тартиб белгиланган бўлмаса, жавоб беради.

Иш ҳужжатларидан аниқланишича, тарафлар ўртасида 2020 йил ҳосилидан давлат эҳтиёжлари учун пахта хом ашёси сотиш шартномаси имзоланган, шартномага кўра, даъвогар уруғлик етказиб бериш, ҳақ тўлаш, жавобгар эса пахта хом ашёсини етказиб бериш мажбуриятини олган, бироқ жавобгар етказиб берилган уруғлик ҳақини тўламаган, натижада Савдо саноат Палатаси Фарғона вилоят ҳудудий бошқармаси даъвогар манфаатини кўзлаб, жавобгарга нисбатан 7 414 453 сўм асосий қарз ундиришни сўраган.

Фуқаролик Кодексининг 465-моддасига мувофиқ, контракция шартномасига мувофиқ қишлоқ хўжалиги маҳсулотини етиштирувчи қишлоқ хўжалиги маҳсулотини қайта ишлаш ёки сотиш учун бундай маҳсулотни харид қиладиган шахсга -- тайёрловчига шартлашилган муддатда топшириш (топшириб туриш) мажбуриятини олади, тайёрловчи эса бу маҳсулотни қабул қилиш (қабул қилиб туриш), унинг ҳақини шартлашилган муддатда муайян баҳода тўлаш (тўлаб туриш) мажбуриятини олади.

Даъвогарнинг даъво талаби асосли, бироқ жавобгар суд кунига қадар асосий қарз суммасини тўлаб қўйганлиги сабабли, суд даъвони қаноатлантиришни рад этишни лозим топади.

Иқтисодий процессуал кодекснинг 118-моддасига мувофиқ, даъвогарнинг талаблари у судга мурожаат қилганидан сўнг жавобгар томонидан ихтиёрий равишда қаноатлантирилса, суд харажатлари жавобгарнинг зиммасига юклатилади.

Қайд этилганларга кўра, суд харажатлари жавобгар зиммасига юкланиши лозим.

Бинобарин, Ўзбекистон Республикаси Иқтисодий процессуал кодекснинг 176-, 178-179-моддаларини қўллаб, суд

Қ А Р О Р Қ И Л Д И:

Даъвони қаноатлантириш рад этилсин.

Жавобгар Нурли замин таровати фермер хўжалиги ҳисобидан суд ҳокимияти органларини ривожлантириш жамғармасига (Марказий банк Тошкент шаҳар, Бош бошқармаси ҳисоб китоб касса маркази, МФО 00014, Х/Р: 23402000300100001010, Сир: Ғазна. 201 122 919, Ўзбекистон туманлараро иқтисодий суди, ШХВ: 4014228603302303422103011) 245 000 сўм давлат



божи ундирилсин.

Ҳал қилув қарори қонуний кучга киргандан кейин ижро варақалари берилсин.

Мазкур ҳал қилув қарордан норози тараф бир ой муддат ичида Ўзбекистон туманлараро иқтисодий суди орқали Фарғона вилоят судига апелляция тартибида шикоят бериши мумкин.

Раислик этувчи

М.Мирмаксудов

Ҳужжат имзоланган: Мирмаксудов Миркомил Садиқович, 21.06.2021

